

INUIT ATAQATIGIIT INATSIARTUNI



UPA2024/27
Apr.-ip 5i-iat 2024
Harald Bianco

Kalaallit Nunaanni pinerluttulerinermik inatsisip aamma Kalaallit Nunaanni eqqartuussisarnermik inatsisip allanngortinneqarnerat pillugit inatsisissatut siunnersuutip (Digitaliusumik innarliisarnarit akiorneqarnissaannut suliniutit, matumani isumapiloqarneq tunngavigalugu tatiginnilersitsiniaanerup, grooming-ip, inerteqqutinngortinneqarnera, meeqqamik atoqateqarnerup pinngitsaaliinermut naligiissinneqarnera, malunnaarsaarluni atoqateqarneq, upperisarsiortut aqutsisuisa atoqateqarniarlutik inuup pisariaqartitsineranik imaluunniit pinngitsuuisinnaannginneranik atornerluineri il.il.) Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut

(Inuutissarsiornermut, Niuernermet, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Matumani eqqartuussivinni suliat innuttaasunut tunngasut, inuiaqatigiit tunngaviusumik sunniuteqartut nalilikkat, nunatta eqqartuussiviani siullermeertumik suliarineqarsinnaanissaannut innersuunneqartalernissaat ilaatigut pineqapoq. Suliami tassani eqqartuussisut pingasut siullermeerinnittumik suliaqartassapput, suliarlu isumaqatigiissutaanngippat eqqartuussiviit qullersaannut suliarineqartussanngortinneqarsinnaanngussalluni.

Naatsorsuutiginnilarput periarfissaq tamanna akulikittumik atorneqanissaa, inuiaqatigiinnulli sunniuteqartunut sulianut siunissami atorneqarsinnaanera periarsissinneqassaaq, soorluttaaq periarfissaq tamanna atorlugu Danmarkimi suliamut inatsisitigut ataataqanngitsunut atorneqarpoq.

Taamatut naatsumik Inuit Atqatigiinit oqaaseqarluta siunnersuut aappassaaniinnginnerani ataatsimiititaliamut susassaartumut ingerlateqqipparput.

Qujanaq.